


BOSNA I HERCEGOVINA  
FEDERACIJA BOSNE I HERCEGOVINE  
UNSKO-SANSKI KANTON  
VLADA UNSKO-SANSKOG KANTONA



BOSNIA AND HERZEGOVINA  
FEDERATION OF BOSNIA AND HERZEGOVINA  
THE UNA - SANA CANTON  
UNA-SANA CANTON GOVERNMENT

Broj: 03-017-656/2017  
Dana, 03.03.2017. godine

BOSNA I HERCEGOVINA  
FEDERACIJA BOSNE I HERCEGOVINE  
UNSKO-SANSKI KANTON  
VLADA UNSKO-SANSKOG KANTONA  
16.03.2017.  
017-656-1-656/17

SKUPŠTINA UNSKO-SANSKOG KANTONA

PREDMET: Izvještaj o radu Kantonalnog zavoda za pružanje besplatne pravne pomoći za 2016. godinu, d o s t a v l j a s e;-

Na osnovu člana 185. Poslovnika Skupštine Unsko-sanskog kantona („Službeni glasnik Unsko-sanskog kantona“, broj: 5/04), u prilogu vam dostavljamo Izvještaj o radu Kantonalnog zavoda za pružanje besplatne pravne pomoći za 2016. godinu, uz sljedeće:

### O b r a z l o ž e n j e

Vlada Unsko-sanskog kantona je na sjednici održanoj dana 03.03.2017. godine, razmatrala i prihvatila Izvještaj o radu Kantonalnog zavoda za pružanje besplatne pravne pomoći za 2016. godinu, obrađivača Kantonalnog zavoda za pružanje besplatne pravne pomoći i isti vam dostavljamo na razmatranje.

PRILOG: - Izvještaj ..... (6x)

PREMIJER KANTONA  
mr.sci. Husein Rošić

BOSNA I HERCEGOVINA  
FEDERACIJA BOSNE I HERCEGOVINE  
UNSKO-SANSKI KANTON  
KANTONALNI ZAVOD ZA PRUŽANJE  
BESPLATNE PRAVNE POMOĆI



BOSNIA AND HERZEGOVINA  
FEDERATION OF BOSNIA AND HERZEGOVINA  
THE UNA-SANA CANTON  
CANTONAL INSTITUTE FOR  
PROVIDING FREE LEGAL AID

**IZVJEŠTAJ O RADU  
KANTONALNOG ZAVODA ZA PRUŽANJE  
BESPLATNE PRAVNE POMOĆI ZA PERIOD  
01.01.2016.-31.12.2016.GODINE**

Bihać, februar 2017. godine

## LIČNA KARTA ORGANIZACIJE

**NAZIV ORGANA:** Kantonalni zavod za pružanje besplatne pravne pomoći

**SJEDIŠTE:** Bihać

**ADRESA:** 502. Viteške brigade br. 10.

**DJELATNOST:** Pružanje besplatne pravne pomoći i  
omogućavanje građanima lakši pristup pravdi

**PRAVNI STATUS:** Samostalna upravna organizacija

**IDENTIFIKACIJSKI BROJ:** 4263666230006

**TELEFON:** 037/ 224-192

**WEB SITE:** ///

**E-MAIL:** s.zavod.bi@gmail.com

**ODGOVORNA OSOBA:** Direktorica Sabina Berberović, dipl. pravnik

**BROJ ZAPOSLENIH:** četiri

## SADRŽAJ

<b>I UVODNI DIO.....</b>	<b>1</b>
<b>II NORMATIVNI DIO.....</b>	<b>1</b>
<b>III TEMATSKI DIO.....</b>	<b>1</b>
A/ Aktivnosti u cilju promocije i jačanja Zavoda.....	1
B/ Zakonska rješenja koja uređuju postupak i propisuju uvjete za ostvarivanje prava na besplatnu pravnu pomoć, zatim korisnike i vrste postupaka s osvrtom na postignute rezultate.....	2
1) Postupak za ostvarenje prava na besplatnu pravnu pomoć.....	2
2) Ko mogu biti korisnici besplatne pravne pomoći?.....	4
3) Rad sa strankama s osvrtom na pojedinačne aktivnosti .....	6
4) Postupci u kojima se pruža besplatna pravna pomoć.....	6
5)Aktivnosti na unapređenju rada i poslovanja .....	7
<b>IV KAPITALNI PROJEKTI .....</b>	<b>7</b>
<b>V OCJENA STANJA I POSTIGNUTIH REZULTATA .....</b>	<b>7</b>
<b>VI PROGRAMSKA ORJENTACIJA.....</b>	<b>8</b>
<b>VII PLANIRANE I REALIZIRANE AKTIVNOSTI I ZADACI .....</b>	<b>9</b>
<b>VIII IZVRŠENJE PLANIRANIH KONTINUIRANIH POSLOVA .....</b>	<b>9</b>
<b>IX PREGLED UNUTRAŠNJE ORGANIZACIJE, KADROVSKE I MATERIJALNE OSPOSOBLJENOSTI .....</b>	<b>9</b>
<b>X NAČIN OSTVARIVANJA SARADNJE SA FEDERALNIM ORGANIMA, DRUGIM KANTONIMA, OPĆINAMA, OMBUDSMENIMA I DR.....</b>	<b>10</b>
<b>XI PROBLEMI UOČENI U RADU S PRIJEDLOGOM MJERA.....</b>	<b>11</b>

## **I UVODNI DIO**

Kantonalni zavod za pružanje besplatne pravne pomoći (u daljem tekstu: Zavod) je samostalna upravna organizacija čije postojanje i rad je pravno uređen i reguliran Zakonom o organizaciji i nadležnostima kantonalnih organa uprave i upravnih organizacija („Službeni glasnik Unsko-sanskog kantona“ br. 9/13 i 11/14).

U drugoj polovini 2013.godine Zavod je počeo s radom i od tada kontinuirano obavlja poslove iz svoje redovne nadležnosti, a koji su pored navedenog Zakona uređeni i Zakonom o pružanju besplatne pravne pomoći („Službeni glasnik Unsko-sanskog kantona“ broj 22/12, 3/16).

Unsko-sanski kanton je jedan od osam Kantona u Federaciji Bosne i Hercegovine u kojima rade i funkcionišu pružaoci besplatne pravne pomoći čiji su osnivači kantoni.

U izvještajnom periodu uspješno su realizirani ciljevi i zadaci koji su bili postavljeni uz određene veće ili manje teškoće, te ističemo da smo zadovoljni s izvršenim i postignutim.

## **II NORMATIVNI DIO**

U izvještajnom periodu je zajedno s resornim Ministarstvom rađeno na Izmjenama i dopunama Zakona o pružanju besplatne pravne pomoći („Službeni glasnik Unsko-sanskog kantona“ broj 22/12). Procedura izmjena izvornog teksta Zakona je inicirana nakon sastanka koji je održan u resornom Ministarstvu, a na kojem su usaglašeni stavovi u pogledu primjene pojedinih odredbi Zakona, te je zajednički zaključeno da je tim spornim odredbama upitan institut „besplatne pravne pomoći“, i da je iste neophodno mijenjati. Predložene Izmjene i dopune Zakona usvojile su Vlada i Skupština Kantona te su iste objavljene dana 10.02.2016.godine u „Službenom glasniku Unsko-sanskog kantona“, broj 3/2016.

## **III TEMATSKI DIO**

### **A/ Aktivnosti u cilju promocije i jačanja Zavoda**

-Tokom cijele godine pravni zastupnici Zavoda su prema planiranom i unaprijed najavljenom rasporedu održavali uredovne dane u općinama Bosanski Petrovac, Ključ, Sanski Most, Bosanska Krupa, Cazin, Bužim i Velika Kladuša.

-Predstavnici Zavoda su u mjesecu januaru 2016.g. u Bihaću prisustvovali radionici na temu „Potreba žrtve iz perspektive tužilaštva i sudstva“, te sastanku radne grupe za provedbu Akcionog plana prevencije maloljetničkog prestupništva i primjene alternativnih mjera u Gradu Bihaću 2014.-2016.godine.

-U mjesecu februaru 2016.godine prisustvovali smo koordinacionom sastanku potpisnika protokola Mreže podrške žrtvama i žrtvama/svjedocima u predmetima ratnih zločina, seksualnog nasilja i drugih krivičnih djela na području Unsko-sanskog kantona.

-Državni službenici Zavoda su prisustvovali jednodnevnoj obuci u organizaciji ADS FBiH na temu „Vještine uspješne komunikacije suzbijanjem negativnih emocija na poslu“ koja je održana u mjesecu martu 2016.godine, te u istom mjesecu prisustvovali Okruglom stolu na

temu „Uloga i značaj lokalnog partnerstva u promociji nenasilnog ponašanja“ i sastanku vezano za organiziranje trodnevne edukacije.

-U organizaciji Međunarodne organizacije za migracije (IOM) prisustvovali smo radionici „Pravni okvir za pružanje reparacija preživjelima ratnog seksualnog nasilja u BiH-pravo na besplatnu pravnu pomoć“ koja je održana u mjesecu aprilu 2016.godine, kao i jednodnevnoj obuci organiziranoj za predstavnike kantonalnih institucija iz oblasti borbe protiv korupcije.

-U mjesecu junu i novembru 2016.godine prisustvovali smo trodnevnoj radionici u organizaciji „Medica“ Zenica u sklopu projekta i funkcionisanja Mreže podrške žrtvama i žrtvama/svjedocima u predmetima ratnih zločina, seksualnog nasilja i drugih krivičnih djela na području Unsko-sanskog kantona.

-Prisustvovali u mjesecu oktobru 2016.g. dvodnevnoj radionici na temu „Zaštita prava i interesa djece u građanskom i porodičnom pravu“ koju je organizirao Centar za ljudska prava u Mostaru za pružaoce besplatne pravne pomoći u BiH.

-U organizaciji Udruženja „Žene sa Une“ prisustvovali okruglom stolu „Ulica nije dom“ koji je održan u Bihaću u mjesecu decembru 2016.godine.

-U toku 2016.godine pohađali ECDL obuku u Bihaću, u organizaciji ADS FBIH.

## **B/ Zakonska rješenja koja uređuju postupak i propisuju uvjete za ostvarivanje prava na besplatnu pravnu pomoć, zatim korisnike i vrste postupaka s osvrtom na postignute rezultate**

### 1) Postupak za ostvarenje prava na besplatnu pravnu pomoć

Podnosioci zahtjeva za besplatnu pravnu pomoć-stranke su u velikom broju slučajeva građani koji žive u lošim materijalno-socijalnim prilikama i nemaju mogućnost da osiguraju na drugi način zaštitu svojih prava pred nadležnim organima i institucijama. Nakon podnijetog zahtjeva, uz predočenje određenih dokaza koje propisuje Zakon, direktor donosi rješenje kojim odlučuje o pravu na pružanje besplatne pravne pomoći.

Protiv rješenja direktora se može izjaviti žalba Ministru Ministarstva pravosuđa i uprave i to u roku od 8 dana od dana prijema prvostepenog rješenja. Nakon pravosnažnosti donijetog rješenja i priznatog prava na besplatnu pravnu pomoć, pravni zastupnici Zavoda u ime stranke poduzimaju određene pravne radnje u konkretnom postupku.

U 2016.godini zaprimljeno je 120 zahtjeva za pružanje besplatne pravne pomoći, te su po 118 podnijetih zahtjeva donijeta rješenja kojima je odlučeno o pravu na besplatnu pravnu pomoć u određenim pravnim stvarima, dok je po 2 zahtjeva obustavljen postupak iz razloga što su podnosioci zahtjeva odustali od istih. U ovom periodu nije bilo žalbenih postupaka protiv rješenja kojima se odlučuje o ostvarivanju prava na besplatnu pravnu pomoć. Napominjemo da je u izvještajnom periodu u jednom predmetu postupljeno po Zamolnici Kantonalnog zavoda za pružanje besplatne pravne pomoći iz Sarajeva te je u tom predmetu pravni zastupnik ovog Zavoda preduzeo tražene pravne radnje koje su se odnosile na zastupanje korisnika besplatne pravne pomoći na dva ročišta pred Općinskim sudom u Bihaću.

Kada su u pitanju opće informacije i pravni savjeti moramo istaći da se u toku ove godine uposlenicima Zavoda obratilo ukupno 1197 građana, kako u sjedištu Zavoda u Bihaću tako i na područjima drugih općina u kojima pružamo besplatnu pravnu pomoć. Naime, radilo se o strankama sa problemima različite pravne prirode od imovinsko-pravnih problema, problema ostvarivanja prava na penziju, invalidninu, prava iz radnih odnosa, ostvarivanja

kontakata s djecom, razvoda braka, utvrđivanja i osporavanja očinstva, naknada štete, krivične odgovornosti, ostvarivanja prava na nasljeđe i dr.

U proteklom periodu se pokazalo da je naročito značajan rad u lokalnim zajednicama koji smo provodili u vidu održavanja „uredovnih dana“, gdje je evidentno da tom prilikom određeni broj građana, a naročito socijalno ugroženih dobije besplatnu pravnu pomoć, potrebnu informaciju, pravni savjet ili zastupanje u postupku za koji se utvrdi osnovanost i opravdanost za vođenje istog.

**Tabela br.1.: Prikaz obraćanja stranaka po općinama u toku 2016.godine**

OPĆINE UNSKO-SANSKOG KANTONA	BROJ OBRAĆANJA STRANAKA I-VI 2016	BROJ OBRAĆANJA STRANAKA VII-XII 2016	BROJ OBRAĆANJA STRANAKA U 2016
BIHAĆ	393	367	760
CAZIN	74	80	154
BOSANSKA KRUPA	54	33	87
BUŽIM	17	15	32
SANSKI MOST	28	23	51
KLJUČ	26	11	37
BOSANSKI PETROVAC	7	13	20
VELIKA KLADUŠA	36	20	56
UKUPNO	635	562	1197

Napomena: broj stranaka prikazan u Bihaću obuhvata određene korisnike i iz drugih općina, koji se obrate za pravnu pomoć u našoj kancelariji u Bihaću zbog hitnosti postupanja u situacijama kada je u toku određeni postupak i poštivanje rokova.

## 2) Ko mogu biti korisnici besplatne pravne pomoći?

Pravo na besplatnu pravnu pomoć mogu dobiti građani po osnovu statusa i to:

- 1) Korisnik stalne novčane pomoći ostvarene po propisima o socijalnoj zaštiti;
- 2) Djeca bez roditeljskog staranja;
- 3) Lice kome je oduzeta poslovna sposobnost i duševno oboljelo lice smješteno u zdravstvenu ustanovu, ustanovu socijalne zaštite ili drugu specijaliziranu ustanovu;
- 4) Penzioner koji prima najnižu penziju ili srazmjernu INO penziju, koja zajedno sa samostalnom penzijom ne prelazi iznos najniže penzije i
- 5) Žrtve nasilja u porodici ili nasilja na osnovu spola.

Pored navedenih kategorija koje pravo na besplatnu pravnu pomoć ostvaruju po osnovu određenog statusa, pravo na besplatnu pravnu pomoć mogu ostvariti i lica po osnovu slabog imovinskog stanja.

Prema Zakonu o pružanju besplatne pravne pomoći građaninom slabog imovinskog stanja se smatra lice čija ukupna redovna primanja i prihodi po članu domaćinstva ne prelaze iznos od 25% prosječne isplaćene mjesečne neto plaće zaposlenih u Federaciji BiH u prethodnoj kalendarskoj godini, a nema nekretnine ili imovinu koja može podmiriti troškove postupka, izuzev nekretnina i imovine koja ne može biti predmet izvršenja u skladu sa Zakonom o izvršnom postupku.

Prema važećem zakonu ne smatra se građaninom slabog imovinskog stanja lice koje živi u zajedničkom domaćinstvu sa punoljetnim članom svoje porodice, a koji je takvog imovinskog stanja da je u mogućnosti da snosi njegove troškove advokatskih usluga. Kod utvrđivanja slabog imovinskog stanja građanina ne uzima se u obzir prihod i imovina članova porodice korisnika pravne pomoći, koji sa njim žive u zajedničkom domaćinstvu, a protivstranka su u postupku.

U toku 2016. godine podnijeto je ukupno 120 zahtjeva za pružanje besplatne pravne pomoći po raznim osnovama i o istima je odlučeno u zakonom propisanom roku. Također napominjemo da je u jednom predmetu ovaj Zavod postupio po Zamolnici Kantonalnog zavoda za pružanje besplatne pravne pomoći iz Sarajeva te je pravni zastupnik preduzeo tražene pravne radnje.

Napominjemo da je u određenom broju zaprimljenih zahtjeva u izvještajnom periodu u ulozi stranke (direktno ili posredno) bilo uključeno 104 mlđb.djece, a koji su se Zavodu obratili putem zakonskog zastupnika, tj. staratelja (u postupcima izdržavanja, odlučivanja s kojim će roditeljem živjeti, ostvarivanja kontakta s roditeljem s kojim dijete ne živi, ostvarivanja prava na porodičnu penziju i dr.).

**Tabela br.2.: Prikaz pružene besplatne pravne pomoći u 2016.godine maloljetnicima putem zakonskog zastupnika**

01.01.- 31.12.2016.	MLDB	DIREKTNO	INDIREKTNO
I KVARTAL	33	14	19
II KVARTAL	37	8	29
III KVARTAL	11	6	5
IV KVARTAL	23	7	16



Tabela br.3.: Prikaz zaprimljenih zahtjeva za ostvarivanje prava na besplatnu pravnu pomoć za period 01.01.-31.12.2016. godine

Zahtjevi za pružanje besplatne pravne pomoći								
po osnovu lošeg imovinskog stanja		po osnovu statusa						
Ukupno	114	Ukupno	6	korisnik stalne novčane pomoći ostvarene prema propisu o socijalnoj zaštiti	dijete bez roditeljskog staranja	lice kojem je oduzeta poslovna sposobnost i duševno oboljelo lice smješteno u zdravstvenu ustanovu, ustanovu socijalne zaštite ili drugu specijaliziranu ustanovu	penzioner koji prima najnižu penziju ili srazmjerno INO penziju, koja zajedno sa samostalnom penzijom ne prelazi iznos najniže penzije	žrtva nasilja u porodici ili nasilja na osnovu spola
Odobreno	112	Odobreno	6	0	0	0	5	1
Odbijeno	0	Odbijeno	0	0	0	0	0	0
Obustavljeno	2	Obustavljeno	0	0	0	0	0	0

Napomena: U izvještajnom periodu u jednom predmetu je postupljeno po Zamolnici Kantonalnog zavoda za pružanje besplatne pravne pomoći iz Sarajeva te isti nije prikazan u prethodnoj tabeli jer se nije radilo o neposrednom zahtjevu stranke.

### 3) Rad sa strankama s osvrtom na pojedinačne aktivnosti

Zakonom o pružanju besplatne pravne pomoći je utvrđeno da je Zavod nadležan za pružanje besplatne pravne pomoći korisnicima, i to u vidu:

- a) pružanje općih informacija o pravima i obavezama;
- b) pružanje pomoći u popunjavanju obrazaca;
- c) davanje pravnih savjeta;
- d) pravna pomoć pri sastavljanju svih vrsta podnesaka;
- e) zastupanje pred organima uprave i institucijama;
- f) zastupanje na sudu;
- g) sačinjavanje apelacija;
- h) pravna pomoć u postupcima mirnog rješavanja spora (medijacija).

U pogledu pružanja općih informacija o pravima i obavezama, pružanje pomoći u popunjavanju obrazaca, davanje pravnih savjeta i pravna pomoć pri sastavljanju svih vrsta podnesaka, moramo istaći da je u 2016. godini u Zavod se obratilo 1197 stranaka, kojima su pružene potrebne informacije, dati pravni savjeti, po potrebi sastavljeni određeni podnesci ili su upućeni određenim nadležnim organima radi ostvarenja prava.

Davanje pravnih savjeta iziskuje dosta radnog vremena jer je to veoma složen i kompleksan posao. Kvalitetnim i stručnim pravnim savjetom smanjuju se neosnovana pokretanja različitih postupaka, samim tim i troškovi postupka, kao i opterećenost sudova i drugih organa nadležnih za rješavanje. Želimo napomenuti da pružanje ove vrste pravnih usluga nije uslovljeno lošim imovinskim stanjem niti eventualnim statusom stranke. Nerijetko se dešava da u situacijama kada postoji volja i razumjevanje stranke koja nam se obrati s određenim pravnim problemom, uspostavimo kontakt sa suprotnom strankom te kroz dijalog i posredujući među njima nastojimo istima pomoći da riješe nastali problem i izbjegnu sudski postupak, a što je puno učinkovitije i jeftinije kako za stranke, tako za sudove i ovaj Zavod. S tim u vezi, Zavod će i u narednoj godini kontinuirano obavljati poslove iz svoje nadležnosti i nastojati ispuniti postavljene ciljeve i zadatke, tj. odgovoriti postavljenim usmenim i pismenim zahtjevima građana ovog Kantona.

### 4) Postupci u kojima se pruža besplatna pravna pomoć

U skladu sa Zakonom o pružanju besplatne pravne pomoći, besplatna pravna pomoć se pruža korisnicima u postupcima u kojima se ostvaruju i štite njihova prava i na zakonu zasnovani interesi, a ti postupci su:

- 1) upravni postupak,
- 2) upravni spor,
- 3) prekršajni postupak,
- 4) parnični postupak,
- 5) vanparnični postupak,
- 6) izvršni i
- 7) krivični postupak.

U pogledu vrste postupaka u kojima je pružena besplatna pravna pomoć u 2016. godini, evidentno je da je najveći broj predmeta bio iz oblasti građanskog prava (sastav različitih podnesaka-tužbi, odgovora na tužbe, žalbi, odgovori na žalbe, prijedloga...), te da je iz te oblasti bilo najviše zastupanja pravnih zastupnika na sudskim ročištima.

Obzirom da je evidentno da se najveći broj predmeta odnosio na parnične predmete, ukazujemo da isti spadaju u kompleksnije sudske predmete, te da njihovo rješavanje zavisi od dinamike rada sudova (ovdje se misli na rokove i vremenski period potreban da se okonča jedan postupak). Zbog navedenog, izvjestan broj predmeta je riješen u toku kalendarske godine, dok se neki nalaze u različitim fazama postupka pred organima odlučivanja te će u istim predmetima kontinuirano se nastaviti raditi i u narednoj kalendarskoj godini.

U parničnim predmetima se raspravlja o stvarnopravnim odnosima (utvrđivanje prava vlasništva i drugih stvarnih prava), zatim o obligacionim odnosima (sticanje bez osnova, dug zbog neizmirenih ugovornih obaveza, naknade štete), radnopravnim odnosima, porodičnim odnosima i drugim.

Napominjemo da su pravni zastupnici u svakom konkretnom predmetu preduzimali i dr. radnje (sastav i drugih podnesaka, dopisa, konsultacija sa strankama i sl.) kako bi svaki pojedinačni predmet efikasno priveli kraju.

#### 5) Aktivnosti na unapređenju rada i poslovanja

U izvještajnom periodu Zavod je nastavio provoditi aktivnosti na kontinuiranom pružanju besplatne pravne pomoći u svakoj općini Unsko-sanskog kantona, a što je rezultat zajedničkog zalaganja i truda uposlenika Zavoda i direktora, te je ista podržana od resornog ministarstva i načelnika svih sedam općina našeg Kantona (osim grada Bihaća gdje nam je sjedište i gdje vršimo prijem stranaka). Kroz ovakav način rada nastoji se omogućiti građanima iz udaljenijih općina u odnosu na grad Bihać da brže i jednostavnije mogu dobiti pravnu pomoć na području općine u kojoj žive i uz što minimalnije finansijske troškove.

U cilju postizanja kvaliteta usluga koje pruža Zavod, kao i kontinuiranog praćenja novih i izmjena postojećih propisa, te praćenja sudske prakse, državni službenici Zavoda su u toku 2016. godine pohađali seminare u organizaciji Agencije za državnu službu koji su održavani u Bihaću, te su sudjelovali u radu nekoliko radionica. Pored navedenog, uposlenici Zavoda su dva puta prisustvovali koordinacionom sastanku potpisnika protokola Mreže podrške žrtvama i žrtvama/svjedocima u predmetima ratnih zločina, seksualnog nasilja i drugih krivičnih djela na području Unsko-sanskog kantona koji su se održavali u Bihaću, te okruglim stolovima i sastancima na kojima je obrađivana tema bila relevantna i za pružaoce besplatne pravne pomoći.

## IV KAPITALNI PROJEKTI

U izvještajnom periodu su provedene programske aktivnosti iz redovne nadležnosti Zavoda.

## V OCJENE STANJA I POSTIGNUTIH REZULTATA

U izvještajnom periodu uspjeli smo odgovoriti zahtjevima stranaka, organizirati uredovne dane u lokalnim zajednicama te obezbjediti prisustvo i zastupanje na zakazanim sudskim ročištima. Moramo napomenuti da građani izražavaju zadovoljstvo postojanjem i djelovanjem ovakve upravne organizacije na području Kantona.

U izvještajnom periodu su riješeni zaprimljeni zahtjevi građana, te smo nastojali u skladu s raspoloživim kadrovskim kapacitetima odgovoriti svim zahtjevima i potrebama građana na što bolji i efikasniji način. Rezultat rada i djelovanja Zavoda je bolja pravna zaštita siromašnih kategorija društva kao korisnika besplatne pravne pomoći, kao i podizanje svijesti ljudi i institucija o važnosti nesmetanog i ravnopravnog pristupa pravdi. Kako uposlenici Zavoda kroz svoj rad dolaze do svakodnevnih i neposrednih kontakata sa građanima ovog Kantona, u prilici su da sugerišu rješavanje pojedinih negativnih pojava u našem društvu, kao što je npr. nasilje u porodici, zakonska obaveza izdržavanja maloljetne djece, ostvarivanje kontakata između roditelja i mlđb. djece i sl.

Pravni zastupnici Zavoda su uspjevali da u izvještajnom periodu neposredno pruže pravne usluge građanima koji žive izvan grada Bihaća, a na način da su sa istima ostvarivali kontakte u općinama Kantona kroz održavanje uredovnih dana. Građani sa mjestom stanovanja izvan grada Bihaća, obraćali su se uposlenicima Zavoda radi pružanja pravne pomoći i lično, dolaskom u Zavod, kao i putem pošte i telefona.

## **VI PROGRAMSKA ORJENTACIJA**

Programska orijentacija Zavoda će i u narednom periodu biti usmjerena ka tome da će uposlenici Zavoda, kako u kancelariji u Bihaću, tako i u svih sedam općina Kantona u kontinuitetu pružati stručnu i kvalitetnu pravnu pomoć licima koja ispunjavaju Zakonom propisane uvjete kako bi im se omogućio ravnopravan pristup pravdi putem pružanja besplatne pravne pomoći, a što doprinosi jačanju zakonitosti i vladavini prava, kroz profesionalan i stručan angažman branitelja/punomoćnika, kako u krivičnim postupcima pred nadležnim sudovima, tako i u drugim sudskim i upravnim postupcima.

Pružanjem pravne pomoći građanima i strankama koje se obrate Zavodu i koje budu ispunjavale uvjete za pružanje pravne pomoći će biti omogućeno da ti građani riješe svoja statusna pitanja, na način tako što će biti uvedeni u neka prava koja im po važećim zakonima pripadaju. Također smatramo da će se to odraziti i na ekonomsko-socijalnu situaciju pojedinih građana, samim time doprinijeti smanjenju broja osoba koje nemaju niti ostvaruju redovna primanja.

Pored navedenog, pružanjem pravne pomoći i davanjem savjeta nekima će biti omogućeno da ranije utvrđena prava lakše uz stručnu pomoć i savjete realiziraju (održavanje kontakata među članovima porodice, izdržavanje člana porodice i dr.), a sve to pod uvjetima koje propisuje važeći zakonski propisi.

Smatramo da će angažiranjem pravnih zastupnika Zavoda u pojedinim postupcima doprinijeti bržem i efikasnijem radu nadležnih organa pred kojima se vode postupci, a sve to iz razloga što postupci zbog nepoznavanja propisa i neukosti stranaka često puta predugo traju, te bi se na ovakav način uticalo na smanjenje troškova postupaka pred nadležnim organima.

## **VII PLANIRANE I REALIZIRANE AKTIVNOSTI I ZADACI**

Zavod nema dislocirane kancelarije izvan sjedišta, odnosno izvan grada Bihaća, niti je zakonom to predviđeno, ali imajući u vidu da su građani ostalih sedam općina Kantona u težem položaju jer potencijalni korisnici usluga Zavoda nemaju materijalnih mogućnosti da plate prevoz do Bihaća, uspješno je realizirana uspostava uredovnih dana u svih sedam općina van grada Bihaća koja se počela provoditi na cijelom području Kantona i na veliko zadovoljstvo građana i korisnika besplatne pravne pomoći, čime je ispoštovan temeljni princip „jednak pristup pravdi za sve“. Pored ove planirane aktivnosti, u ovom izvještajnom periodu u Zavodu su blagovremeno obavljani redovni poslovi iz nadležnosti Zavoda, pri čemu je važno istaknuti da su zahtjevi stranaka za ostvarivanje prava na besplatnu pravnu pomoć od strane Zavoda rješavani u zakonom propisanim rokovima, a također su primljene na razgovor sve stranke koje su došle u sjedište Zavoda, kao i u kancelarije koje koristimo u sedam općina te su im pružene potrebne informacije i pravni savjeti. Do sada smo uspjevali blagovremeno izvršavati poslove i zadatke iz naše nadležnosti. Uspijevali smo u ostavljenim rokovima prema sudskim i drugim organima odgovoriti u ime stranaka koje zastupamo blagovremeno i kvaliteteno.

U izvještajnom periodu nastojali smo, uvažavajući finansijske prilike, odazvati se na seminare i edukacije koje su se održavale u Bihaću, a i to u skladu s raspoloživim vremenom i uklapajući se prema rasporedu sudskih ročišta.

## **VIII IZVRŠENJE PLANIRANIH KONTINUIRANIH POSLOVA**

U toku 2016.godine izvršeni su i realizirani uglavnom svi planirani poslovi uz određene poteškoće uzrokovane najčešće prvobitnim nedostatkom službenog vozila, zbog čega smo bili prinuđeni u nekoliko slučajeva zatražiti odgađanje sudskih ročišta van grada Bihaća ili odgađanje najavljenih uredovnih dana. Krajem godine i taj problem vozila je riješen tako da se uspijevalo odgovoriti na sve termine zakazanih ročišta i na vrijeme izvršiti planirane aktivnosti i zadatke.

## **IX PREGLED UNUTRAŠNJE ORGANIZACIJE, KADROVSKE I MATERIJALNE OSPOSOBLJENOSTI**

Pored direktora Zavoda, Pravilnikom o unutrašnjoj organizaciji i sistematizaciji radnih mjesta, broj 14-02-8792-1/13 od 05.09.2013.godine na koji je saglasnost dala Vlada Unsko-sanskog kantona je predviđeno da Zavod ima 4 izvršioca, od toga su 3 državna službenika, a 1 namještenik.

**Tabela br.3.: Unutrašnja organizacija Kantonalnog zavoda za pružanje besplatne pravne pomoći**

Rb	Naziv radnog mjesta	Predviđena školska sprema	Predviđeno pravilnikom	Popunjenost
1.	Direktor	VSS	1	DA
2.	Pomoćnik direktora za upravni postupak, upravni spor, parnični, vanparnični i izvršni postupak	VSS	1	DA
3.	Pomoćnik direktora za krivični i prekršajni postupak	VSS	1	DA
4.	Stručni savjetnik za pružanje besplatne pravne pomoći	VSS	1	NE
5.	Viši referent za kancelarijsko poslovanje i administrativno tehničke poslove	SSS	1	DA

Prava i obaveze svih uposlenika Zavoda, tj. državnih službenika i namještenika su regulirani Zakonom o državnim službenicima i namještenicima Unsko-sanskog kantona („Službeni glasnik Unsko-sanskog kantona“ br. 5/2012.), kao i odredbama Zakona o pružanju besplatne pravne pomoći.

Zakonom o pružanju besplatne pravne pomoći su propisana prava i dužnosti pravnih zastupnika, obaveza čuvanja službene tajne i odgovornost zaposlenika Zavoda. Tim zakonom je također propisano da pravni zastupnici imaju nezavisnost i samostalnost u vršenju svojih poslova i imaju pravo i dužnost da u okviru dobijenog ovlaštenja poduzimaju sve zakonite pravne radnje koje su po njihovoj ocjeni u interesu korisnika pravne pomoći. Kako je obaveza pravnih zastupnika da pružaju pravnu pomoć savjesno i stručno u skladu s ustavom, zakonom i drugim propisima, te u cilju postizanja kvaliteta usluga koje pruža Zavod, kao i kontinuiranog praćenja novih i izmjena postojećih propisa, te praćenja sudske prakse, planirano je da se državni službenici Zavoda kontinuirano stručno usavršavaju pohađanjem seminara iz različitih oblasti prava.

Uposlenici-pravni zastupnici Zavoda su u 2014.godini uvršteni na Listu branitelja koji će vršiti odbrane po službenoj dužnosti u krivičnim postupcima koji se vode pred nadležnim sudovima na području Unsko-sanskog kantona.

#### **X NAČIN OSTVARIVANJA SARADNJE SA FEDERALNIM ORGANIMA, DRUGIM KANTONIMA, OPĆINAMA, OMBUDSMENIMA I DR.**

U izvještajnom periodu Zavod je nastavio ranije uspostavljenu dobru saradnju sa kantonalnim organima uprave, a naročito Ministarstvom pravosuđa i uprave kao resornim ministarstvom. Moramo istaći svestranu podršku i saradnju svih sedam općina našeg Kantona (osim grada Bihaća gdje nam je i sjedište), a koje su uposlenicima Zavoda omogućile

korištenje kancelarijskog prostora unutar tih općina radi provođenja uredovnih dana u svakoj općini, čime se kroz ovakav način rada nastoji omogućiti građanima iz udaljenijih općina u odnosu na Bihać da brže i jednostavnije mogu dobiti pravnu pomoć na području općine u kojoj žive i uz što minimalnije finansijske troškove.

Nastavljena je dobra saradnja sa pružaocima besplatne pravne pomoći u cijeloj BiH. Želimo istaći da je UNDP pružao svestranu podršku pružaocima besplatne pravne pomoći u BiH kao i nama (od opremanja službenog prostora i nabavke računarske opreme), kroz organiziranje nekoliko zajedničkih sastanaka i seminara iz različitih oblasti prava. Na nivou BiH uspostavljena je Mreža pružalaca besplatne pravne pomoći čija je članica i Zavod.

U toku 2016.godine nastavljena je saradnja s predstavnicima sudske vlasti, organima uprave kroz različite postupke u kojima su angažirani pravni zastupnici ovog Zavoda kao i nevladinim organizacijama. Kroz dosadašnji rad smo uspostavili značajnu saradnju s predstavnicima Centara za socijalni rad u svim općinama te je značajno napomenuti da ovaj Zavod na traženje UNICEF-a dostavlja istom Izvještaj o radu, koji prati ostvarivanje prava djece u Bosni i Hercegovini.

## **XI PROBLEMI UOČENI U RADU S PRIJEDLOGOM MJERA**

Problemi na koje nailazimo u dosadašnjem radu se ogledaju kroz činjenicu da se povremeno pojavi neka nezadovoljna stranka, najčešće su to osobe koje godinama istrajavaju na pokušaju uvođenja u neka prava, a za koja po važećim zakonskim propisima ne ispunjavaju uvjete. Međutim, ubjeđeni u suprotno (plaćući, prijeteći i sl.) stalno se vraćaju u Zavod vođeni nadom kako će uz našu pravnu pomoć ostvariti pravo, a za koje ne ispunjavaju uvjete, što povremeno otežava normalno funkcionisanje i rad.


U posljednje vrijeme se dešava da istovremeno imamo zakazanih više sudskih ročišta kao i najavljen termin za prijem stranaka u nekoj od općina izvan grada Bihaća te smo u takvim situacijama prinuđeni tražiti prezakazivanje ročišta zbog fizičke nemogućnosti prisustva na istima. Pored fizičke nemogućnosti da prisustvujemo u isto vrijeme na ročištima pred različitim sudovima, povremeno se javljao i problem nedostatka vozila kako bi obavili posao iz svoje redovne naležnosti.

Na kraju ističemo da uspjevamo s raspoloživim kapacitetima i sredstvima za rad odgovoriti postavljenim zahtjevima i izvršiti poslove iz redovne nadležnosti ove upravne organizacije.

Direktorica  
Sabina Berberović, dipl. pravnik



BOSNA I HERCEGOVINA  
FEDERACIJA BOSNE I HERCEGOVINE  
UNSKO-SANSKI KANTON  
VLADA UNSKO-SANSKOG KANTONA



BOSNIA AND HERZEGOVINA  
FEDERATION OF BOSNIA AND HERZEGOVINA  
THE UNA - SANJA CANTON  
UNA-SANA CANTON GOVERNMENT

Na osnovu člana 16. Zakona o Vladi Unsko-sanskog kantona („Službeni glasnik Unsko-sanskog kantona“, broj: 5/08), na prijedlog Kantonalnog zavoda za pružanje besplatne pravne pomoći, Vlada Unsko-sanskog kantona na sjednici održanoj dana 03.03.2017. godine, donosi:

## ZAKLJUČAK

### I


Prihvata se Izvještaj o radu Kantonalnog zavoda za pružanje besplatne pravne pomoći za 2016. godinu, obrađivača Kantonalnog zavoda za pružanje besplatne pravne pomoći i isti se upućuje Skupštini Kantona na razmatranje.

### II

Ovaj Zaključak stupa na snagu danom donošenja.

Broj: 03-017-656/2017  
Bihać, 03.03.2017. godine

PREMIJER KANTONA  
mr. sci. Husein Rošić





Na osnovu člana 98. Poslovnika Skupštine Unsko-sanskog kantona, Skupština Unsko-sanskog kantona, na sjednici održanoj dana \_\_\_\_\_, donosi:

## ZAKLJUČAK

### I

Usvaja se Izvještaj o radu Kantonalnog zavoda za pružanje besplatne pravne pomoći za 2016.godinu koji je prihvaćen Zaključkom Vlade Unsko-sanskog kantona.

### II

Ovaj Zaključak stupa na snagu danom donošenja i objavit će se u Službenom glasniku Unsko-sanskog kantona.

Broj: \_\_\_\_\_  
Bihać, \_\_\_\_\_

Predsjedavajući Skupštine  
Unsko-sanskog kantona  
Nijaz Hušić, prof.